



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. II. Eadem veritas dupli ratione suadetur

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

Eadem veritas duplice ratione suadetur.

21. Potest etiam suadere conclusio duplice ratione. Prima haec potest proponi: Virtus in statu perfecto inclinat ad prompte & delectabiliter operandum in propria materia, ut docet Aristoteles. 4. Ethic cap. 4. Sed hoc non potest habere, nisi cum aliis virtutibus moralibus connectatur: Ergo virtutes morales in statu perfecto habent inter se necessariam connexionem. Major est evidens, Minor vero duplice exemplo suadetur. Si enim aliquis haberet virtutem justitiae v.g. & non liberalitatis, proinde, ne quis amaret pecunias, oblatâ occasione eas obtinendi, facile inferret injuriam proximo, & non nisi cum magna difficultate redderet alteri debitum. Similiter mulier casta, sed avara, veltimida, vix poterit servare castitatem; oblatâ enim pecuniâ, vel occurrente mortis periculo, facile in oppositum vitium peccatahetur; & idem dicendum de aliis.

Neque potest responderi, quod una virtus habet tollere omnia impedimenta ad recte operandum, etiam in materia sibi externa. Si enim hoc esset verum, non esset necessaria nisi una virtus, illaq; sola sufficeret ad operandum bene in quacumque materia; quia ad eandem virtutem pertinet operari in aliqua materia, & tollere impedimenta in tali materia occurrentia.

22. Secunda ratio sumitur ex D. Thoma huc qu. 5. art. 1. potestque in hanc formam reduci. Perfecta virtus moralis dependet a prudentia perfecta: Atque prudentia perfecta esse non potest sine consilio omnium virtutum moralium: Ergo nec ulta virtus moralis potest esse in statu perfecto, nisi omnes alias virtutes habeant sibi annexas. Major constat ex definitione virtutis moralis: in ea enim dicitur virtutem moralem confidere in medio, juxta determinationem prudentiae; quare sicut non potest esse sine medio, ita nec sine prudentia. Unde Bernardus i. de considerat. cap. 8. Prudentia (inquit) inter voluptates & necessitates media, quasi quadam arbitra sedens uirumque circa limitibus discriminat fines, ista assignans & probans quod sat, illis quod nimis demens. Addo quod virtus moralis dicitur habitus elec-tivus, id est faciens rectam electionem: Sed recta electio dependet a recto consilio & judicio, qui sunt actus prudentiae: Ergo si virtus moralis simpliciter loquendo dependeat a prudentia, perfecta virtus moralis dependebit a perfecta prudentia, juxta illud: Sicut simpliciter ad simpli-citer, ita magis ad magis.

Minor vero suadetur: Perfectus prudentia status exigit, ut facile & prompte possit homo elicere actus prudentiae cum voluerit: Sed non potest homo facile & prompte rectum consilium & judicium (qui sunt actus prudentiae) ferre de mediis, nisi adhuc omnes virtutes morales: Ergo prudentia perfecta esse inequit, absque omnium virtutum moralium consilio & consilium. Major pater, Minor probatur. Ad consilium & judicium rectum praequiritur recta intentio, unde judicium de mediis in ordine ad malum finem non est a prudentia, sed ab astutia, vel alio vito opposito prudentiae: Sed facere rectam intentionem finis, pertinet ad omnes virtutes morales, qualibet enim illarum habet rectificare appetitum circa finem & materiam propriam: Ergo non potest homo prompte & facile rectum judi-

A cium ferre de mediis, nisi habeat omnes virtutes morales.

Confirmatur: Rectum judicium dependet a rectitudine appetitus: Sed talis rectitudo haberi non potest sine virtutibus moralibus, et enim earum formalis effectus: Ergo neque rectum judicium. Minor est certa, Major probatur: quia unusquisque prout est affectus ad finem, sic de illo practice judicat: unde, us supra ex Aristotele dicebamus, licet judicium speculatorum non pervertatur morum depravatione, judicium tamen practicum ad mores spectans inde semper corrumptur. Quare idem Philosophus supra laudatus, temperantiam conservaricem prudentia appellat. Hinc etiam Philosophi inter verum speculatorium & practicum hoc discrimen constitunt, quod illud sumitur ex conformitate ad rem cognitam; istic vero attenditur principi ex conformitate ad appetitum finis rectum.

Ut ab hoc argumento se expedit Scotus, duplē distinguit prudentiam, unam partialem, & aliam totalem. Prudentiam partialem appellat, quæ non est respectu omnium agibilium, sed unius tantum materia, ciborum, aut veneriorum: totalem vero, quæ respicit omnia agibilia, & omnium virtutum materias. Concessa igitur Majori de prima prudentia, negat de secunda. Imo existimat non dari prudentiam totalem, quæ sit una simplex species, sed tot esse prudentias specie distinctas, quotlibet virtutes morales; ita ut alia sit prudentia regulativa temperantiae, alia fortitudinis, alia iustitiae; censemque unam virtutem moralem non dependere a prudentia regulativa alterius, sed qualibet a sola illa que propriam materiam moderatur. Deinde negat Minorem: quia prudentia partialis non requirit omnes morales virtutes, sed ad summum illam cuius materia est regulativa.

Vazquez vero repondet, quod quamvis unita sit prudentia, eam tamen non requirit perfecta virtus, secundum quod extenditur ad materiam omnium virtutum, sed solum secundum quod se extendit ad finem & objectum hujus particularis virtutis, puta iustitiae: ex quo solum habetur, prudentiam illam presupponere rectitudinem appetitus circa finem particularem, non vero circa fines omnium virtutum.

Verum utraque responsio faciliter potest hoc discursu convelli. Ut virtus aliqua, v.g. temperantia insit alicui subiecto, prudentia debet illi constituire medium, recedendo extrema quibus per excessum vel defectum potest corrupti: Sed ad hoc non sufficit prudentia partialis: Ergo exigitur prudentia totalis. Major est certa, Minor probatur. Ut prudentia recindat extrema quibus per excessum vel defectum posset medium virtutis temperantiae corrupti, debet judicare de praedictis extremis, eorumque habitudine quam habent inter se & cum medio: Atque ad hoc exigitur prudentia totalis: Ergo &c. Minor probatur: Extrema quæ possunt corrumpere medium temperantiae, divagantur per omnem materiam virtutum: Ergo sola prudentia totalis potest illa attingere, seu de illis judicare. Consequentia pater, Antecedens vero probatur exempli o' mulieris, quæ potest à tuenda castitate, & a medio temperantiae recedere, vel ob solum delectationem, quæ est materia ipsius temperantiae; vel metu mortis, quæ est materia fortitudinis; vel propter lucrum, quæ est materia liberalitatis: Ergo extrema quæ possunt corrumpere medium

medium temperantiae, divagantur per materiam cuiuslibet virtutis; & consequenter ad illa rescidenda non sufficit prudentia partialis, ut ait Scotus; vel prudentia ut se extendens solum ad finem, & objectum alicuius particularis virtutis, ut afferit Vazquez, sed exigitur prudentia generalis, seu ad materiam omnium virtutum extensa.

Confirmatur: Dicunt prudentia imperat actus justitiae v. g. vel attendit omnia, quæ circumstant, ex quibus potest vitari; vel aliqua omittit, & nihilominus imperat talum actum? Si primum, cum illæ circumstantiae possint esse diversarum materialium (ut si occurant plures actus boni incompossibilis, v. g. solvere debitum creditoris, quod pertinet ad justitiam; parentes alere, quod spectat ad pietatem; sacrificium offerre, quod est religionis: subvenire pauperi, quod est misericordia) oportet ut omnes ejus materias attingat, seu ad illas omnes se extendat? Si secundum, tale imperium non erit actus prudentiae, sed imprudens & incon sideratum; quia imprudentia est imperare aliquem actum non attenctis circumstantiis occurrentibus, quæ si attenderentur, multoties recta ratio dictaret talum actum non esse imperandum.

S. III.

Solvuntur objectiones.

Obiciunt in primis Adversarij varia Patrum testimonia, quibus aperte docere videntur, virtutes morales inter se non esse connexas, sed ab invicem separabiles. In primis enim Hieronymus libro 1. contra Pelagianos introducit Crito bolum interlocutorem, qui ut probet pro Pelagianis contra Atticum (qui personam Hieronymi & Catholicorum gerit) hominem vivere omnia peccata, haec objicit: *Et quomodo legitimus, qui unam habuerit, omnes videtur habere virtutes?* Respondeo autem Atticus: *Participatione, non proprietate: necesse est enim, singuli excellant in quibusdam, & tamen hoc, quod legisse te dico, ubi scriptum sit nescio.* Cui iterum Crito bolum sic ait: *Ignorans hanc esse Philosophorum sententiam?* Respondeo autem Atticus: *Sed non Apostolorum; neque enim mihi cura est, quid Aristoteles, sed quid Paulus doceat.* Augustinus etiam epistola 29 non concedit iustos & sanctos in hac vita habere omnes virtutes, sed posse dici habere realiam, & aliam non habere. Item Bernardus serm. 70. in Cantica, loquens de virtutibus iustorum inquit: *Magnus est qui tria vel quatuor libella edificare potest in tanta spinarum densitate.* Deinde Venerabilis Beda relatus à D. Thoma in dist. 36. q. 1. art. 2. Sancti (inquit) magis humiliantur de virtutibus quas non habent, quam de virtutibus, quas habent, gloriarentur.

Ad locum D. Hieronymi, respondeo illum solum ibi rejicare sententiam, quæ docebat connexionem virtutum haberi proprijs viribus, & ab ipso participatione, seu auxilio gratia. Ibi enim impugnat errorem Palagianorum, assertentium ad bene operandum, & ad habendas virtutes omnes hominem non indigere gratiam. Vel etiam dici potest cum Divo Thoma loco citato art. 1. ad 6. Hieronymum ibi solum velle sententiam de connexione virtutum non contineri expresse infra Scriptura, sed in li-

Abris Philosophorum; non negante tamen illam esse veram, sed tantum non ita curandum esse de ea, ac si Apostoli eam tradidissent. Quod vetò haec interpretatione legitima sit, patet ex eo, quod idem S. Doctor talem sententiam expresse doceat in epistola ad Fabiolam de quadraginta mansionibus, circa mansionem 38. ubi inquit de virtutibus: *Habent sibi, & inter se conexæ sunt, ut qui una caruerit, omnibus careat.*

Ad alia tria testimonia responderet sanctus Thomas ibidem articulo q. ad 1. ea debere intelligi de virtutibus quantum ad usum. & non quantum ad habitus: diversi enim Sancti diversimode exceedunt se invicem in usibus diversarum virtutum, secundum quod de qualibet Confessore dictum est: *Non est inventus similis illi, qui conservaret legem Excelsi.* Propter hujusmodi ergo excellentium ex parte usus, tribuimus cuiilibet Sancto quasdam speciales virtutes, & alias negamus; non quia istis careant, sed quia in illis magis splendent. Potest etiam dici, illos SS. Patres solum ibi intendere omnes virtutes non haberi in equali gradu: sed alias esse magis & alias minus intensas.

Objicies secundò cum Scoto: *Quoties ali-* 30 *quod subiectum est perfectibile distinctus perfe-*

Ctionibus partialibus, potest perfici secundum unam, tametsi non perficiatur secundum alias: unde potest Petrus habere visum, & carere auditum, scire metaphysicam, & ignorare Arithmeticam, aut esse expertus in arte futoria, & rudis ac ignorans in arte pingendi: Sed homo est perfectibilis per plures virtutes morales, tanquam per diversas perfectiones partiales. Ergo potest quamlibet ex illis recipere alijs non receptis.

Respondeo Majorem esse veram de perfectionibus partialibus non connexis ad invicem, 31. ut sunt auditus & visus, & scientia ac artes, quæ in objectione recententur: falsam vero de perfectionibus partialibus connexis inter se, cujusmodi sunt virtutes morales, ut declaratum est.

Dices: *Tota definitio virtutis convenit v.g. temperantia absque consortio fortitudinis.* Ergo potest haberi sine fortitudine. Consequitur parat. Antecedens probatur. Virtus est habitus electivus in modicritate consistens, prout prudens dictaverit. Sed temperantia est hujusmodi sine fortitudinis consortio ex hoc solum, quod est cum prudentia circa propriam materiam: Ergo &c.

Respondeo negando Majorem, ad cuius probationem, concessa Majori, nego Minorem: 33.

temperantia enim nequit perfectè medium rationis attingere in propria materia, nisi possit facile rescindere omnia impedimenta, quæ tale medium possint corrumperem, seu ab illo voluntatem abducere; alias mulier, quæ castitatem violaret metu mortis, non peccaret contra virtutem castitatis, sed solum contra fortitudinem, atque adeo diceretur casta, licet non fortis; quod videtur absurdum. Constat autem impedimenta, quæ possunt medium temperantia corrumperem, spectare non solum ad materiam illius virtutis, sed etiam ad alias, puta fortitudinem, liberalitatem, &c. ut supra declaratum est; atque adeo nisi omnis alia virtutes habeantur, temperantia nequirit promptè & firmiter impedimentis corruptientibus obfistere, sumque medium illas servare.

Objicies tertio: Potest homo exercere actus 34.